

A: Minis Lanvironnman p.i., Hon. Alain Wong,
Ken Lee Tower,
Corner Line Barracks and St. Georges St,
Port Louis. [alainwong@gov.mu.org]
24 Mars, 2016

Ser Minis Alain Wong,

Nu, abitan Be di Kap, pe ekrir u pu dir u ki nu pe *opoz* sa Proze IRS zis akote nu lakaz dan Be di Kap. Antan ki nuvo Minis Lanvironnman (par interim), nu pe dimann u aret li. Enn promoter pe vinn detrir nu vilaz. Nu pa kone kimanyer li finn gayn enn EIA. E nu dut for ki, detutfason, Proze la pa pe respekte kondisyon debaz EIA la.

Nu kont sa Proze la dan so totalite lor baz pwin swivan:

1. Proze la reprezant enn invazyon nu vilaz.
2. Proze la kup nu vilaz an de.
3. Promoter la fini servi gro masinn pu ronz e deкуп nu flan-montayn la net; li finn fer enn vyolasyon lanatir dan enn fason ki ofans nu memwar Be di Kap.
4. Li fini kareman kokin lasurs; li finn met difil metalik otur lasurs la, met so laponp.
5. Li finn mont enn miray ki ferm akse a lakaz 2yem ranze (kote drwat Proze la kan get later).
6. Li finn konpletman detrir, e anlev ansyin brik taye, depi enn batiman patrimwann, seki ti tom zis par deryer ansyin istasyon lapolis.
7. Li finn kumans demantel istasyon lapolis, enn patrimwann ki dat depi 1905, e ki form parti nu memwar kolektif; li finn anlev laport ek lafnet.
8. Si zame enn tel Proze lotel avek so 74 lo vila ek apartman, plis enn shopping morl, tusala vinn tom omilye nu vilaz, li pu gat latmosfer nu vilaz; dan so siyaz li pu amenn tu kalite problem sosyal grav.
9. Nu kone patron sa zar Proze la prefer pa donn travay dimunn ki res pre. Sa li enn fe. Nu finn truv li dan lezot Proze prekot Be di Kap. Zot pu zis fer sanblan, donn enn-de kontra, pu kuyonn nu; detutfason nu pa ule kondane a enn lavi kot nu ek tu nu zanfann fer travay "intandans", setadir seki lontan ti apel "servant" pu dimunn ris; nu ule travay prodiktif, nu ule kree kiksoz.
10. Proze reprezant enn menas a nu akse a lamer, a lonterm; nu fini truv zot vize. Nu finn truve kimanyer finn buz sime laplaz net depi Pte aux Roches.
11. A mwayenn term, Proze la ena lintansyon fer nu kit nu lakaz, ale (dimunn ki res adrwat proze la).
12. A lonterm, Proze la ena lintansyon fer tu dimunn ki lor bor lamer kit lakaz ale (dimunn ki res agos proze la).

Sa proze la, si zame li kontinye, li pu enn presedan pu lezot promoter dan lezot vilaz.

Dayer, asterla nu kone kifer Guvernman finn negliz nu landrwa dan enn fason osi kriyel.

Guvernman pa finn fer naryin pu donn nu sime. Li pa finn fer naryin pu anpes ros grene depi montayn par deryer nu lakaz. Pena drin pu protez nu lakaz depi dilo lapli ki desann gro; ondire Guvernman ule nu sufer kumsa. Li pe anvi fer nu kite, ale. Kumsa li donn patron sekter prive akse a borlamer Be di Kap.

Alor, nu pe fer apel a Guvernman pu:

1. Aret sa proze la deswit.
2. Obliz sa 2 tablisman ki finn ferme, e kot buku dimunn Be di Kap ti travay, setadir Bel Ombre ek St. Felix, pu diversifye zot agrikiltir, pran travayer, e asir bon kondisyon travay. Zot pa kapav zis kontrol later Moris kuma "real estate", e Guvernman permet zot angrese par ogmantasyon valer zot later. Zot ena devwar kree travay lor sa later la. Anmemtan, sa 2 tablisman la bizin met dibut lizinn prezerv prodwi alimanter ki pu plante, pu kree ankor travay. Buku lizinn zonn frans dan Lesid finn ferme, met travayer deor.
3. Devlop lapas an-deor lagon, e repeple lagon, kuma proze Rodrig inn kumans fer. Lamer nepli furni travay akoz li finn sir-explwate.
4. Rann nu nu lasurs, donn nu enn sime, konstrir drin, batir enn sant kominoter, e zardin zanfan. Me, pa zis sa.

Nu demand se: Aret sa Proze la! Obliz proprieter later Moris kree travay dan lagrikiltir ek lapas, liye ar lizinn ki prezerv prodwi alimanter – pu nu prop sekirite alimanter, e pu exportasyon.

GUY CLENCY PERLE, Rte Royal, ^{French} Reseaux Creole
Tony Hortense, Rte Royal B. du Cap Reseaux Creole
Seewa Luximon, Rte Royal B. du Cap Reseaux Creole S. Luximon
Santana Jolicœur, Rte Royal B. du Cap Reseaux Creole S. Jolicœur
Sabina Louis - Royal - B. du Cap Reseaux Creole S. Louis
M. Embresol Droyal Doud Baie du Cap Unembresol
Richard Collet Baie du Cap RAMTA Collet
Michael Louis Baie du Cap Ramjattan M. Louis
Souci Antwine Percy Ramjattan P. Souci
Hemant Khalawan, Basen road Baie du Cap H. Khalawan Hemant

Temwin sa let-la:

Reprezantan LALIT Rezyonal Lwes, 153 Main Road, GRNW, Port Louis
lalitmail@intnet.mu 208 5551 208 2132

Alor, nu pe fer apel a Guvernman pu:

1. Aret sa proze la deswit.
2. Obliz sa 2 tablisman ki finn ferme, e kot buku dimunn Be di Kap ti travay, setadir Bel Ombre ek St. Felix, pu diversifye zot agrikiltir, pran travayer, e asir bon kondisyon travay. Zot pa kapav zis kontrol later Moris kuma "real estate", e Guvernman permet zot angrese par ogmantasyon valer zot later. Zot ena devwar kree travay lor sa later la. Anmemtan, sa 2 tablisman la bizin met dibut lizinn prezerv prodwi alimanter ki pu plante, pu kree ankor travay. Buku lizinn zonn frans dan Lesid finn ferme, met travayer deor.
3. Devlop lapes an-deor lagon, e repeple lagon, kuma proze Rodrig inn kumans fer. Lamer nepli furni travay aköz li finn sir-explwate.
4. Rann nu nu lasurs, donn nu enn sime, konstrir drin, batir enn sant kominoter, e zardin zanfan. Me, pa zis sa.

Nu demand se: Aret sa Proze la! Obliz proprieter later Moris kree travay dan lagrikiltir ek lapes, liye ar lizinn ki prezerv prodwi alimanter – pu nu prop sekirite alimanter, e pu exportasyon.

Jean Kersley Louis. Church Lane. J K Louis

Jean Daniel Perine Royal Road Baie du cap

Laval Eric Ricard Royal Road Baie du cap

Jean Baptiste Curperen . Baie du Cap . J B Curperen

Jean Laval Donovan Fole Baie du cap . J L Donovan

S. Lamoureux , Church Lane . Baie du cap

Josué Stenio Leide . Baie du cap J Stenio

Temwin sa let-la:

Reprezantan LALIT Rezyonal Lwes, 153 Main Road, GRNW, Port Louis
lalitmail@intnet.mu 208 5551 208 2132

J. Stoenamy (Rajini Kistoenamy)